

Hemmige

Mani Matter

1. S'git Lüt, die würden alletwäge nie
es Lied vorsinge, so win ig jitz hie
Eis singen um kei Pris, nei bhüetis nei
wil si Hemmige hei

2. Si wäre vilicht gärn im Grund gno fräch
und dänke, das syg ires grosse Päch
Und s'laschtet uf ne win e schwäre Stei
dass si Hemmige hei

3. I weis, das macht eim heiss, verschlat eim d'Stim
doch dünkt eim mängisch o s'sig nüt so schlimm
S'isch glich es Glück, o we mirs gar nid wei
das mir Hemmige hei

4. Was unterscheidet d'Mensche vom Schimpans
s'isch nid die glatti Hut, dr fählend Schwanz
nid dass mir schlächter d'Böim ufchöme, nei
Dass mir Hemmige hei

5. Me stell sech d'Manne vor, wenna anders wär
und s'chäm es hübsches Meiteli derhär
Jitz luege mir doch höchstens chly uf d'Bei
wil mir Hemmige hei

6. Und we me gseht, was hütt dr Mönschheit droht
so gseht me würklech schwarz, nid nume rot
Und was me no cha hoffen isch alei
dass si Hemmige hei